

宋
史
十
名
家
詞

廿二

丹陽詞

目錄

江神子

一調

蝶戀花

二調

臨江仙

一調

漁家傲

二調

鷓鴣天

二調

點絳脣

一調

行香子

一調

訴衷情

一調

水調歌頭

三調

木蘭花

一調

滿庭霜

一調

醉蓬萊

一調

西江月

二調

南鄉子

一調

浣溪沙

一調

西江月

二調

蝶戀花

二調

臨江仙

一調

定風波

二調

浣溪沙

三調

瑞鷓鴣

一調

浪淘沙

一調

驀山溪

三調

西江月

四調

浣溪沙

一調

虞美人

二調

瑞鷓鴣

一調

鵲橋仙

一調

江城子

二調

蝶戀花

一調

南鄉子

一調

減字木蘭花

一調

臨江仙

二調

減字木蘭花

二調

虞美人

一調

鷓鴣天

一調

西江月

一調

浪淘沙

一調

鷓鴣天

二調

木蘭花

一調

醉花陰

一調

浣溪沙

二調

臨江仙

二調

浣溪沙

一調

鵲橋仙

一調

臨江仙

一調

蝶戀花

二調

浪淘沙

三調

丹陽詞目錄

終

丹陽詞

宋 葛勝仲

江神子

初至休寧
冬夜作

昏昏雪意慘雲容
獵獵霜風歲將窮
流落天涯憔悴一
衰翁
清夜小窗圍獸火
傾酒綠借顏紅
官梅疏豔
小壺中
暗香濃
玉玲瓏
對景忽驚身
在大江東
上國
故人誰念我
晴嶂遠暮雲重

蝶戀花

二月十三日同安
人生日作二首

雨後春光濃似醉
著柳催花節物侵
龍忌繡襪香閨
當日珮紫蘭宮
墮人間世
歌管停雲香吐
穠碧酒
紅裳共祝魚軒
貴天上阿環金
籙秘龜鶴共壽
三千

歲

又

共樂堂深簾不捲惻惻寒輕二月春猶淺續壽競來
歌舞院龍涎香襯鮫綃段畫棟朝飛雙語燕端似
知人著意窺金盞柳外花前同祝願朱顏長在年齡
遠

臨江仙

尉姜補之託
疾臥家作

郊外黃陔端可厭歸來移病香閨象牀珍簟共委蛇
耆婆尋草盡天女散花遲小雨作寒秋意晚簷聲
與夢相宜冷侵羅幌酒煙微試評書五朶何似畫雙
眉

漁家傲

初創真意亭于南溪遊陟晚歸作

巖壑縈回雲水窟
林深路斷迷煙客
茆屋數椽攜杖
舄人寂寂侵簷萬箇琅玕碧
倦客羈懷清似滌更
無一點飛埃迹
溪漲漫流過几席
寒湜湜鳬鷺點破
琉璃色

又

疊疊雲山供四顧
簿書忙裏偷閑去
心遠地偏陶令
趣登覽處清幽疑是斜川路
野蔌溪毛供飲具
此身甘被煙霞痼
興盡碧雲催日暮
招晚渡遙遙一葉
隨鷗鷺

鷓鴣天

九月十三日攜家遊夏氏林亭燕集作并送湯詞

小榭幽園翠箔垂。雲輕日薄淡秋暉。菊英露浥淵明
徑。藕葉風吹叔寶池。酬素景，泥芳卮。老人癡鈍強
伸眉。懽懽莫遣笙歌散。歸路從教燈影稀。

又

婆律香濃氣味佳。玻璃仙盃進流霞。凝膏清滌高陽
醉。靈液甘和正焙芽。香染指，浪浮花。加籩禮盡客
還家。貫珠聲斷紅囊散。踏影人歸素月斜。

點絳脣

縣齋愁
坐作

秋晚寒齋。藜牀香篆橫。輕霧閑愁幾許。夢逐芭蕉雨。
雲外哀鴻似替幽人語。歸不去。亂山無數。斜日荒
城鼓。

行香子

愁况無聊作

風物颼颼木落滄洲漸老人不奈悲秋羈懷都在鬢
上眉頭似休文瘦文通恨子山愁庭梧影薄籬菊
香浮強招尋聊命朋儔窮通皆夢今古如流且淵明
徑子猷舫仲宣樓

訴衷情

清明寒食景暄妍花映碧羅天參差捍撥齊奏豐頰
擁芳筵逢誕日揖真仙託爐煙朱顏長似頭上花
枝歲歲年年

水調歌頭

程良器嘉量別賦一闕紀泛舟之會往返次韻

夜泛南溪月光影冷涵空棹飛穿碎金電翻動水精

宮橫管何妨三弄重醕仍須一斗知費幾青銅坐久
桂花落襟袖覺香濃 庾公閣子猷舫興應同從來
好景良夜我輩敢情鍾但恐仙娥川后嫌我塵容俗
狀清境不相容擊汰同情賞賴有紫溪翁

又

下瀨驚船駛揮塵恐尊空誰吹尺八寥亮嚼徵更含
宮坐愛金波瀲灩影落蒲萄漲綠夜漏儘移銅回棹
攜紅袖一水帶香濃 坐中客馳雋辨語無同青鞵
黃帽此樂誰肯換千鍾巖壑從來無主風月故應長
在賞不待先容羽化尋煙客家有左仙翁

又

勝友欣傾蓋羈宦嬾書空愛君筆力清壯名已在蟾
宮蕭散英姿直上自有練裙葛帔豈待半通銅長短
作新語墨紙似鴉濃 山吐月溪泛艇率君同吾儕
轟飲文字樂不在歌鍾今夜長風萬里且倩泓澄浩
蕩一爲洗塵容世上閑榮辱都付塞邊翁

木蘭花

與諸人
泛溪作

木蘭干外池光闊午夜喬林迷岸樾掠船涼吹起青
蘋縈水歌聲欺白雪 檀郎響趁紅牙節胡語嘈嘈
仍切切人生何樂似同襟莫待驪駒聲慘咽

滿庭霜

任昉嘗爲新安太守風流名迹
圖經史牒具載感今懷古作

百不爲多一不爲少阿誰昔仕吾邦共推任筆洪鼎

力能扛不爲桃花祿米讎書倦一葦橫江招尋處徒
行曳杖曾不擁麾幢 山川真大好魚磯無恙密嶺
難雙聽訟訴多就樵塢僧窗歲月音容遠矣風流在
遐想心降雲煙路搜奇弔古時爲酌空缸

醉蓬萊

天寧
節作

望葱葱佳氣虹渚祥開斗樞光繞析木天津正靈暉
騰照鷺綴分班象胥交貢奉御觴清曉玉殿寒輕金
徒漏永瑞爐煙裊 萬寓均歡示慈頒燕壽祝南山
慶均鳬藻縹緲紅雲望九重天表舞獸鏘洋抃鼇欣
戴度管絃聲杳麻草長新蟠桃永秀與天難老

西江月

正月十七日與文中自邑境徧遊歙黟
祁門山水十九日在黟邑同靈觀夜燕

作

羈宦新來作惡窮途誰肯相從追攀十日水雲中情
誼知君獨重 寂寂回廊小院冥冥細雨尖風鳳山
香雪定應空昨夜疏枝入夢

又

山鎮紅桃阡陌煙迷綠水人家塵容誤到只驚嗟骨
冷玉堂今夜 莫對佳人錦瑟休辭洞府流霞峯回
路轉亂雲遮歸去空傳圖畫

南鄉子

三月望日與文中
諸賢泛舟南溪作

柳岸正飛綿選勝齋輕漾碧漣笑語忘懷機事盡鷗
邊萬頃溪光上下天 菰葦久延緣不覺遙峯靄暮

煙對酒莫嫌紅粉陋嬋娟自有孤高月婦仙

浣溪沙

木芍藥詞

可惜隨風面旋飄直須燒燭看嬌嬈人間花月更無妖
濃麗獨將春色殿繁華端合眾芳朝南牀應爲醉淘淘

又

通白輕紅溢萬枝濃香百和透豐肌丹山威鳳勢將飛
玉鏡臺前呈國豔沈香亭北映朝曦如花惟有上皇妃

又

鬪鴨闌邊曉露沾華堂醉賞軸珠簾插花人好手纖

纖遮護輕寒施翠幄標題仙品露牙籤詞人遺恨
獨江淹

西江月

次韻林茂南
博士杞泛溪

山外半規殘日雲邊一縷餘霞滿城飛雪散茗花萬
頃溪連罨畫柳惺風流舊國鶴齡瀟灑人家肯嗟
流落在天涯雲水從今起價

又

代監
酒和

晚路交游綠酒平生志趣青霞霜風時節近黃花泛
宅舟將鷁畫不分兩溪明月夜深只屬漁家今朝
清賞寄情涯肯向縈塗索價

蝶戀花

和王
廉訪

風過漣漪紋縠細十指香檀驚破交禽睡野蔌溪毛
眞易致風流未減蘭亭會擊汰千艘供洛禊映水
垂楊萬縷拖濃翠小海一聲波上戲殷勤留客千金
意

臨江仙

燕諸部
使者

自古吳興稱冷僻菰城水浸粼粼回星難望使車塵
如何三日飲併有五行人文似枚臯加敏速記書
易若張巡幕中無用郗嘉賓他年浮棗會莫忘兩溪
春

又

千古烏程新釀美玉觴風過粼粼歌聲未辨起梁塵